

Köttōpar ko an katak in:

- Kwaļok bwe e kwōjarjar Anij, im Ej dike jerōwiwi.
- Kwaļok bwe armej re jab maroñ pokake kien ko an Anij.
- Kwaļok bwe men ko armej rej kōmṀmani re ban jipañ lōmoṀoren er.
- Kwaļok bwe Anij wōt e maroñ kōmṀman iaļ in lōmoṀor an armej.

Meļeļe ko reļap ilo katak in:

- Jen lo bwe armej re jab bōk lōmoṀor kōn aer kajjioñ in kōjparok kien ko joñoul.
- Jen lo bwe Anij ej aikuj kajeik aolep jerōwiwi.
- Jen lo bwe jej aikuj weppān bwe Anij en bōk kōj.
- Jen lo bwe Anij e jeļā men otemjej.

Ewi aṀ lōmṀak kōn kien ko joñoul? RemṀan ke? Etke Anij ear litoki kien kein? Jenaaj lale kien ko joñoul im lale ta eo Anij ej ba kōn kien kein. Bōtab, moṀta jenaaj lo wāween an Anij kōpoje Israel bwe ren roñjake ñan kien ko An.

1. Anij ear āñinļok ri Ju ro ñan toļ Sainai.



Exodus 19:1, 2 Im ilo allōñ eo kein ka jilu, ālikin an ro nejin Israel diwōj jān Ijipt, ilo raan eo wōt, raar itok ñan āne jeṀaden in Sainai. Im ke eṀōj aer ilok jān Repidim, im raar itok ñan āne jeṀaden in Sainai, raar kajoor Ṁōn kōppād ko aer ilo āne jeṀaden eo; im ijo Israel ear kamp iṀaan toļ eo.

Ri Ju ro raar jab make pepe kōn ijo eo im rej etal ie ļok. Aolep iien Anij ear tōl er. Eļāññe je jab likūt bwe Anij en tōl kōj innām jenaaj jebwābwe. Anij ear katakin ri Ju ro bwe ren reiļok wōt ñan E bwe En oṀake aolep aikuj ko aer.

* **Anij e tiljek, im E jab oktak.**

E kōṅaan bwe jen katak ejja men in wōt ilo raan kein. An Anij āñinļok ri Ju ro ñan Toļ Sainai ej barāinwōt katakin kōj bwe Anij e tiljek. E jāmin oktak. Ñe Ej ba juon men innām Enaaj kōmṀmane. Ke Anij ear kōnono ñan Moses jān i bulōn wōjke eo me ear urur, ear pād ia? Toļ Sainai (ak Toļ Horeb-juon wōt toļ ak ewor ruo etan).

Ke Jeova ear kōnono ñan Moses ear ba men in:



Exodus 3:12 “E Ṁool Inaaj pād ippaṀ, im men in enaaj kakōļle ñan kwe bwe Iar jilkinļok eok: ñe eṀōj aṀ āñintok armej raṅ jān Ijipt, koṀnaaj karijer ñan Anij ilo toļ in.”

Ke Anij ear kwaļok men in ñan Moses, aolep ri Ju ro raar ri kaṀakoko, im raar pād iuṀwin pein Pero. Wōn ear tōmak bwe aolepen jar an ri Ju ro enaaj kar jutak iturun toļ in juon raan? Anij wōt ear kōmṀman bwe en tōprak. Anij e tiljek. Anij e Ṁool.

2. Anij ear kallimur ñan Israel iturun toļ eo.



Exodus 19:5,6 Kōn men in, kiiō, eļañņe koņij eņoņ ainikiō im kōjparok bujen eo Aō, innām koņnaaj Aō űweiuk e aorōk, jān aelōñ ko otemjej, bwe aolepen laļ, Aō. Im koņnaaj ñan Eō juon aelōñ in pris ro, im aelōñ e kwōjarjar.’ Naan kein naan ko kwōnaaj kōnono ñan ro nejin Israel.”

* **Anij ej kōnono ippān armej.**

Anij ear kwaļok ñan Moses pepe im karōk eo An kōn Israel. Anij ear kōņaan kōmman juon bujen ippān Israel.

* **Armej re maroñ kepaak Anij ilo wāween an Anij ba wōt.**

Anij ear ba ta? Ear ba bwe eļañņe rej kōjparok bujen eo An, innām re naaj An.

Eñin bujen eo:

- Anij ear kallimur in kejeraamman ro ri Israel eļañņe rej pokake E aolep iien im ejjeļok irļok ñan jidik.
- Eļañņe raar kōmman aolep men me Ear ba, innām Enaaj bōk er im liļok ñan er aolep men ko remman me rej aikuji.

Emman bwe Anij e kōņaan kajeraamman er, ak ta eo rej aikuji kōmmane bwe ren bōk jeraamman in? Rej aikuji in kōjparok aolep naan ko an Jeova. Wōn e maroñ kōmman men in? Ekwe, jen lale uwaak eo an ri Ju ro.

3. Ri Israel raar kallimur ñan Anij.

* **Armej rej ri jerōwiwi. Ej aikuji Anij bwe e jab maroñ make ļoņņoren e.**



Exodus 19:7,8 Im Moses ear item kūrtoķ rūtto ro an armej ro, im ear kwaļok ñan er naan kein otemjej Jeova ear jiroñ e kake. Im armej otemjej raar jīņor uwaak im ba, “Men otemjej Jeova ear kōnono, kōmnaaj kōmmani.” Im Moses ear kwaļok naan ko an armej ro ñan Jeova.

Je ļak lale, e lukkuun emman ri Ju ro ke? Raar kallimur ñan Anij bwe renaaj kōjparok aolep kien ko An.

- Raar meļokļok bwe raar aipādpād im jab lōke Anij ke raar lo jar in tariņae an Ijpt iturin Loņalo E Būrōrō.
- Raar meļokļok kōn aer lotaan ke ejjeļok mōñā im dān.
- Raar lōke er make bwe ewor aer maroñ in kōmman men kein.
- Raar ļōmņak bwe re maroñ pokake Anij aolep iien.
- Raar jab kile bwe būreir raar obrak kōn jerōwiwi im bwe raar jab maroñ kabuñbūruon Anij kōn men ko rej kōmmani.

- Raar āinwōt Kein, eo ear lōmṇak bwe e maroñ kabuñbūruon Anij kōn men ko ear liḷok ñan E.

Ro ri Israel raar jab kile bwe, ekkar ñan bujen in, Anij e ban maroñ in kejeraamman er. Ekkar ñan bujen in, eḷaññe rej pokake Anij aolep iien, innām Enaaj bōk er im kejeraamman er, ak eḷaññe raar jab pokake, innām renaaj lia, im Anij enaaj kajeik er.

KIEN EJ BA BWE JEJ AIKUJ POKAKE AOLEP IEN

Anij ear jeḷā bwe mōttan wōt jidik im ro ri Israel renaaj nana im jab pokake E. Innām, ekkar ñan bujen eo, Enaaj aikuj in kajeik er kōn nana ko aer.

Etke Anij ear kōmman juon bujen ippān ro ri Israel ke Ear jeḷā bwe ejjeḷok aer maroñ in kōjparok bujen eo? Anij ear kōmmane kōnke Ear kōṇaan kaṃool ñan er bwe er ri jerowiwī im ejjeḷok aer maroñ in kabuñbūruon. Re jab maroñ kōllaajrak er ñan Anij im erom jeran bwe En bōk er kōn men ko rej liḷok ñan E ak men ko rej kōmmani.

Jen ba bwe ewor juon emman eo ear tutu lik, ak e po ilo juon aet e kajoor. Ear kate e, ak e bane. Elōñ armej raar jutak ilo āneo im lale. Ejjeḷok iaer ear maroñ aō ijjeḷokūn juon emman me e dipen im e kanooj emman an jeḷā aō. Raar akweḷap ippān leo e dipen bwe en etal im lōmoḡoren armej eo me ear po ilo aet eo im mōjṇo. Bōtab leo ear jab etal. Ear jutak wōt im lale. Leo me ear tutu lik ear mōjṇoḷok wōt, innām ear joḷok an kajjioñ im jino in maḷoñ. Kiiō, leo e dipen ear etal im lōmoḡoren e. Ke emōj lōmoḡoren leo, armej ro raar illu ippān leo e dipen im ba, “Etke eto am kattar mokta jān am etal im lōmoḡoren leo?” Leo ear uwaak im ba, “Eḷaññe iar etal moktaḷok, e ban kar tōprak, bwe leo enaaj kar ire ippa kōn an kor. Iar aikuj kattar mae iien e mat an maroñ im ear bōjrak jān an make kate e. Iar maroñ lōmoḡoren e ke e jako an kajjioñ in make lōmoḡoren e.”

Anij ear liḷok kien ko ñan ro ri Israel bwe ren lo bwe re jab maroñ kabuñbūruon ilo aer make maroñ. Ren joḷok aer make kajjioñ im lōke E wōt ñan lōmoḡoren er jān mej indeeo.

Eñin wāween an Anij jermal ippān armej. Enaaj lōmoḡoren ro wōt im rej errā Ippān bwe er ri jerowiwī iumwin kajoor an Setan, jerowiwī, im mej. Anij e kōṇaan bwe jen kile bwe jej ri jerowiwī me je bane wānōk, im je jab maroñ lōmoḡoren kōj make jān jerowiwī im mej.

Ewor ke juon im e maroñ kōjparok kien ko an Anij aolep iien? Ewor ke juon armej im e maroñ kallimur ñan Anij bwe en jab bar jerowiwī toōn wōt an mour? Eñin men eo im ri Ju ro raar kallimur kake. Etke raar kallimur āindein eḷaññe raar jeḷā bwe raar jab maroñ kōjparok aolep kien? Mokta jān ad uwaak kajjitōk in, jen lale ta eo Anij ear kōmmane bwe en kapojak ri Ju ro ñan aer bōk kien ko joñoul.

4. Anij ear kōnono jān to! Sainai.



Exodus 19:9-11 Im Jeova ear ba ñan Moses, “Lo, Ij iwōj ñan eok ilo kōdō e mijel, bwe armej ren roñjake ñe Ij kōnono ippam, bwe ren barāinwōt tōmak eok ñan indeeo.” Im Moses ear kōnnaanōk Jeova naan ko an armej rañ. [10] Im Jeova ear ba ñan Moses, “Kwōn ilok ñan ippān armej ro, im kokwōjarjar er rainin im ilju, bwe ren kwa!ko! nuknuk ko aer, [11] Im ren pojōk maē raan eo kein ka jilu, bwe ilo raan eo kein ka jilu, Jeova enaaj wanla!tok iṃnaan mejān armej otemjej ilo to! Sainai.


* **Anij e kwōjarjar im wānōk.**

Anij ear kōṃnaan kwa!ok An kwōjarjar, kajoor, im aiboojoj iṃnaan ro ri Israel bwe ren kile bwe E juon Anij e kwōjarjar Eo ej dike jerōwiwi, im E ban bōk ro im re jab pokake E.

Anij ear jiroñ ri Ju ro bwe ren kokwōjarjar er make im kwa!e nuknuk ko aer. Anij e kwōjarjar im e!aññe je kōṃnaan kōṃṃmao Ippān innām je naaj aikuj kwōjarjar barāinwōt. Ilo ṃool je naaj aikuj kwōjarjar jo-ñan wōt E. Juon aō kajjitōk. Ke eṃōj an ri Ju ro kwa!e nuknuk ko aer im kokwōjarjar er make, raar maroñ ke kepaak !ok Anij? Raar jab maroñ.



Exodus 19:12,13 Im kwōn likūt kakō!le ko ñan armej ro ipelaakin to! eo im ba, ‘Lale koṃ ar wanlōñ!ok ilo to! eo, ak uññūr tōrerein. Jabdewōt eo ej uññūr to! eo, e ṃool en mej. Ejjelok pā en uññūr e, bwe renaaj kade kōn dekā, ak lippon e kōn maē; e!aññe menninmour ak armej e jāmin mour.’ Ñe jilel ej kaetok!ok ainikien, ren kepaaktok to! eo.”



Anij ear jiroñ er bwe ren likūt kakō!le ko ipelaakin to! eo. E!aññe juon armej ak menninmour ear etal ñan to! eo ke Anij ear itok, ej aikuj in mej.

Oṃean aolep jerōwiwi, mej. Men in ej kōnke Anij e kwōjarjar, im armej rej ri jerōwiwi. Anij e ban bōk jabdewōt eo e jab weppān. Aolep ri jerōwiwi re jepel jān Anij im jab maroñ kepaak E. Jej kememej bwe Adam im Iv raar jerōwiwi, innām Anij ear kadiwōj!ok er jān jikin kallib eo. Anij e dike ñe armej re jab pokake E, im E ban pād ippān ro ri jerōwiwi.

Etke Anij ear jab kōt!ok bwe ri Ju ro ren kepaak E? Eṃōj aer karreo. Eṃōj aer kokwōjarjar er make. Eita! Meñe raar kōṃṃmani men kein aolep, raar jab maroñ kokwōjarjar er joñan wōt Anij. Raar jab maroñ make karreok er jān jerōwiwi ko aer.



Exodus 19:16-20 Im ilo raan eo kein ka jilu, ke e jibboñ, ewor jourur im jarōm ko, im kōdō e mijel ioon to! eo, im ainikien jilel e kanooj !ap, im armej otemjej ilo kamp eo raar wūdiddid. [17] Im Moses ear añintok armej ro jān jikin kajutak eṃ nuknuk ko aer bwe ren wōnmaē Anij, im raar jutak iturin la! in to! eo. [18] Im aolepen to! Sainai ear kanooj

baatat, bwe Jeova ear wanlałtok ioon ilo kijeek, im baatin ear wanlōñłok āinwōt baat in upaaj, im aolepen toł eo ear kanooj pañijñij. [19] Im ke ainikien jilel e lałłok wōt, Moses ear kōnono, im Anij ear uwaak e kōn ainikien. [20] Im Jeova ear wanlałtok ioon toł Sainai, ñan jabōn toł eo, im Jeova ear kūrtoł Moses ñan jabōn toł eo, im Moses ear wanlōñłok.

Je jab bwilōñ bwe armej ro raar mijak ke raar roñ ainikien Anij. Ełaññe Anij ear kwałok E make ñan eok ilo wāween in, kwōnaaj kar lōmñak ta? Jarom im jourur im men ko jet raar ñan kwałok ñan ro ri Israel bwe Anij e kajoor im bwe E juon Anij me ej dike im kajeik aolep jerōwiwi.

Emōj an Anij kwałok An kajoor im An dike nana ke ear kōkkure lał in kōn ibwijleplep eo im tokālik ke Ear kōkkure Sodom im Gomorra. Kab, Ear kwałok men kein ke Ear kaeñtaan ro ri Ijpt innām man jar in tariñae eo aer.



Exodus 20:1,2 Im Anij ear kōnono naan kein otemjej im ba, “Ña Jeova am Anij, eo ear āñintok eok jān āneen Ijpt, jān ñweo imōn kañakoko.”

*** Anij e kwōjarjar im wānōk. Ej ba bwe ro rej jerōwiwi rej aikuj in mej.**

Kiiō Anij ear pojak in kwałok kien ko An ñan Israel. Kaje eo kōn kōkkure juon iaan kien kein ej jepel jān Anij im mej indeeo ilo loñalo in kijeek.




Jemes 2:10 Bwe jabdewōt eo enaaj kōjparok kien otemjej, a ej buñ ilo juon iaer, ewor ruōn kōn aolepeir.

Etke Anij ear litok kien kein? Anij ear jelā bwe ro ri Israel re ban maroñ pokake kien ko An. Ak Ear kōñaan kwałok ñan er im aolep bwe jen kile ad nana im ban im bwe E wōt e maroñ in lōmōoren kōj. Anij e kōñaan bwe aolep armej ren jołok aer lōke er make im ren lōke E wōt ñan lōmōoren er.

5. Kien ej kwałok jerōwiwi ko ad.

Naan in Anij ej āinwōt juon glass, juon mirror. Je jab lo bwe ettoon mejōd maen iien jej make lale kōj ilo glass eo, im je jab kile joñan ad nana maen iien ad lale kien ko an Anij im kile ad likjab.



Kien ko joñoul ej āinwōt x-ray, ak kein pijaik ānbwinin armej. Juon armej e maroñ eñjake bwe e jorrān ānbwinin, ak e ban jelā joñan an jorrān ñan ñe takto eo ej pijaik ānbwinin. Im x-ray eo ej kemour armej eo ke? E jab. Ej kein kwałok wōt an jorrān. Ejej ir jān kien ko joñoul. Rej kallikar ñan kōj bwe ełap ad nana.

Ak ełaññe je jab maroñ pokake aolep kien ko an Anij, Anij enaaj ke bōk kōj ełaññe jej kate kōj joñan wōt ad maroñ im pokake jet? Jaab, bwe Anij ej ba jej aikuj kōjparok aolep kien ko aolep iien. Ełaññe je jab, je lia, im Enaaj kajeik kōj.

Jet iien jej roñ an armej ba bwe ełaññe e bwe jermal ko aer remman, Anij enaaj bōk er. Lōmñak eo aer: ełaññe elōñłok jermal ko remman jān jermal ko renana, innām renaaj mour.

Bōtab men in ej juon riab an Setan. Anij ej ba bwe jej aikuj in weppān - ejjelōk irlōk ñan jidik. Jekdoḡon eļañņe eļap an juon armej jermal ñan Anij im kōmman elōñ men ko reḡman, im ear kōkkure juon wōt ian kien ko an Anij, enaaj mej jān lañ.



Kien ko an Anij rej āinwōt juon chain. Eļañņe juon wōt ḡōttan chain eo e rup, ejjelōk tokjān aolepen chain eo. Aolep ḡōttan chain eo rej aikuj eḡman.

Anij ej kajeik ri jerōwiwi jekdoḡon eļañņe re jab pokake juon ian kien ko An.

Jete katen an Adam im Iv jerōwiwi ḡokta jān aer jepel jān Anij im jako jān Iden? Juon wōt. Anij ej jiroñ kōj bwe jen pokake aolep kien ko An aolep iien. E kōḡaan bwe jen kile bwe e ban bwe ad eḡman bwe jen kōllaajrak kōj ñan Ippān.

Ejjelōk armej e maroñ kōjparok kien ko an Anij aolep iien. Ekkar bwe aolep ren eñtaan indeeo. Juon ri kaki in kabuñ, deacon, im aolep re ļotak ilo jerōwiwi im kōmman nana.




Rom 5:20 A kien ear koba im deļoñ bwe buñ en orļok. A ijo jerōwiwi ear orļok, e kanooj ļap an jouj orļok ie.

Ta meļeļe in eoon in? Ta ḡool ke bwe Anij ekōḡaan bwe jerōwiwi en ļapļok? Jaab. Eoon in ej katakin kōj bwe kien ko joñoul ej kein kalikkar ļok joñan ad nana.



Rom 3:20 Bwe ejjelōk kanniōk enaaj wānōk iḡaan mejan kōn jermal ko an kien; bwe je jelā jerōwiwi kōn kien.



Aolep jermal ko an armej re likjab.

Bōtab jen lale jemļoken Rom 5:20, *A ijo jerōwiwi ear orļok, e kanooj ļap an jouj orļok ie.* Etke jouj ej orļok ñe jerōwiwi ej orļok? Ej kōnke ñe juon armej ej lo joñan an nana mour eo an, enaaj kile bwe e ri ban. Enaaj reiļok ñan Jijej im lōke jouj eo An.

Kajjitōk ko

1. Wōn ear āñin ļok ro nejin Israel ñan ilo turun Toļ Sainai?
2. Men in ej katakin kōj ta?
3. Ta eo ri Ju ro raar aikuj kōmmane bwe ren bōk jeraamman jān Anij?
4. Ri Ju ro raar ba ta ñan Anij ke Anij ear kwaļok kōn bujen in?
5. Ewor ke juon armej im e maroñ kōjparok aolep kien ko an Anij?
6. Anij ear jiroñ ri Ju ro bwe ren likūt ta ipelaaken Toļ Sainai?
7. Ta enaaj kar waļok ñan jabledewōt eo ear eļļā jān kakōļle ko ak uññūr toļ eo?

8. Men in en kar katakin ri Ju ro ta?
9. Elmān an katak rot in kwaḷok yokwe eo an Anij ñan kōj?
10. Kein ta kien ko joñoul?
11. Anij ear letok kien bwe ta en ḷap ḷok: emman ke nana?
12. Ewi wāween bwe en ḷap jouj kōn an ḷap ḷok jerowiwi?